

王吉堂新詠

鍾

王吉堂

三

道光元年二月六日上元冷癸管同梅曾亮侯敦復
歐陽長海同觀於宋玉帶樓曾亮題記



玉臺新詠卷第六

吳均二十首

王僧孺二十七首

張率擬樂府三首

徐悱詩二首

費昶十首

姚翻同郭侍郎采桑二首

孔翁歸奉湘東王班姬一首 徐悱妻劉令嫺答外二首 何思澄三首

徐悱答唐孀女所穿針一首

吳均和蕭洗馬子顯古意六首

賤妾思不堪采桑渭城南帶減連枝繡髮亂鳳皇葵花舞衣裳薄蛾飛夢綠潭
無由報君此流涕向春蠶其一

妾本倡家女出入魏王宮既得承調輦亦在更衣中蓮花銜青雀寶粟鈿金蟲

猶言不得意流涕憶遼東其二

春草攏可結妾心正斷絕綠鬢愁中改紅顏曉裏滅非獨淚成珠亦見珠成血

願爲飛鵲歸翩翩照離別其三

何處報君書隴右五歧路淚研兔枝墨筆染鵝毛素碧浮孟渚水香下洞庭路

應歸遂不歸芳春空擲度其四

妾家橫塘北發豔小長干花釵玉腕轉珠繩金絡瓦罽幕懸青鳳逶迤搖白團



道光元年二月六日上元冷癸管同梅曾亮侯敦復
歐陽長海同觀於宋玉帶樓曾亮題記



玉臺新詠卷第六

吳均二十首

王僧孺二十七首

張率擬樂府三首

徐悱詩二首

費昶十首

姚翻同郭侍郎采桑一首

孔翁歸奉湘東王班姬首 徐悱妻劉令嫺答外二首 何思澄三首

徐悱答唐孀女所穿針一首

吳均和蕭洗馬子顯古意六首

賤妾思不堪采桑渭城南帶減連枝繡髮亂鳳皇
花舞衣裳薄蛾飛曼綠潭無由報君此流淨向春蠶

妾本倡家女出入魏王宮既得承瑀輦亦在更衣中
蓮花銜青雀寶粟鈿金蟲猶言不得意流淨憶遼東

春草攏可結妾心正斷絕綠鬢愁中改紅顏嗥裏滅
非獨淚成珠亦見珠成血願為飛鵲鏡翩翩照離別

何處報君書隴右五歧路淚研兔枝墨筆染鵝毛
素碧浮孟渚水香下洞庭路應歸遂不歸芳春空擲度

妾家橫塘北葭豔小長干花釵玉腕轉珠繩金絡
瓦罽屨懸青鳳逶迤搖白團



誰堪久見此含恨不相看琪

匈奴數欲盡僕在玉門關蓮花穿劍鏢秋月掩刀環春機鳴窈窕夏鳥思絲蠻
中人坐相望狂夫終未還琪

與柳惲相贈荅六首

黃鸝飛上苑綠芷出汀洲日映昆明水春生鳩鵲樓飄颺白花舞瀾漫紫萍流
書織回文錦無因寄隴頭思君甚瓊樹不見方離憂

鳴鞭適大阿聯翩渡漳河燕姬及趙女挾瑟夜經過織罽曳廣袖半額畫長蛾
客本倦游者箕帚在江沱故人不可棄新知空復何

離君苦無樂向暮心悽悽要途訪趙使聞君仕執珪杜衡色已發昌蒲葉未齊
罽罽蠶餌繭差池鸞吐泥願逐春風去飄蕩至遼西

白日隱城樓勁風掃寒木離析隔西東執手異涼燠相思咽不言洞房清且肅
歲去甚流煙年來如轉軸別鶴千里飛孤雌夜未宿

閨房宿已靜落月有餘暉寒蟲隱壁思秋蛾繞燭飛絕雲斷更合離禽去復歸
佳人今何在迢遞江之沂一為別鶴弄千里淚沾衣

秋雲靜晚天寒夜方綿綿聞君吹急管相思雜采蓮別離未幾日高月三成弦

蹀躞黃河浪嘶喝隴頭蟬寄君薜蘿葉插著叢臺邊

擬古四首

嫋嫋陌上桑陰陌復垂塘長條映白日細葉隱鸝黃蠶飽妾復思拭淚且提筐
故人寧知此離恨煎人腸

陌上桑

咸陽春草芳秦帝卷衣裳玉檢茱萸匣金泥蘇合香初芳熏復帳餘輝曜玉牀
當須宴朝罷持此贈寧陽

秦王卷衣

錦帶雜花鈿羅衣垂綠川問子今何去出采江南蓮遼西三千里欲寄無因緣
願君早旋反及此荷花鮮

采蓮

豔裔陽之春攜手清洛濱鷄鳴上林苑薄暮小平津長裾藻白廣袖帶芳塵
故交一如此新知詎憶人

攜手

贈杜容成一首

一鸞海上來一鸞高臺息一朝所逢遇依然舊所識問我來何遲關山幾迂直
荅言海路長風多飛無力昔別縫羅衣春風初入帷今來夏欲晚桑蛾薄樹飛

春詠

春從何處來拂衣復驚梅雲障青瑣闥風吹承露臺美人隔千里羅帷閉不開

無由得共語空對相思柘

去妾贈前夫

棄妾在河橋相思復相遠鳳皇簪落鬢蓮花帶緩膏腸從別處斷良在淚中消
願君憶疇昔片言時見饒

訊少年

董生惟巧笑子都信美目百萬市一言千金買相逐不道參差菜誰論窈窕淑
願君捧繡被來就越人宿

王僧孺春怨

四時如湍水飛奔競回復夜鳥鄉音嚶嚶朝光照煜煜厭見花成子多看筍爲竹
萬里斷音書十載異棲宿積愁落芳鬢長曉壞美目君去在榆關妾留佳山谷
惟對昔邪房如見蜘蛛屋獨與響音相訓還將影自逐象牀易瓊簾羅衣變單複
幾過度風霜猶能保亮獨

月夜訊陳南康新有所納

二公如花三五月如鏡開簾一種色當戶兩相映重價出秦韓高名入燕鄭
十城屢請易千金幾爭聘君意自能專妾心本無競

見貴者初迎盛姬聊爲之詠

久想專房麗未見傾城者千金訪繁華一朝遇容冶家本薊門外來戲叢臺下
長卿幸未匹文君復新寡

與司馬治書同聞隣婦夜織

洞房風已激長廊月復清藹藹夜庭廣飄飄曉帳輕雜聞百蟲思偏傷息聲
鳥聲長不息妾心復何極猶恐君無衣夜夜當窗織

夜愁

欄露滴爲珠池冰合成壁萬行朝淚瀉千里夜愁極孤帳閉不開寒膏盡復益
誰知心眼亂看朱忽成碧

春閨有怨

愁來不理鬢春至更攢眉悲看蛺蝶粉泣望蜘蛛絲月映寒蛩褥風吹翡翠帷
飛鱗難託意馱翼不銜辭

擣衣

足傷金管處多愴緹光促下機鴛西眺鳴砧遽東旭芳汗似蘭湯離金辟龍燭
散度廣陵音操寫漁陽曲別鶴悲不已離鸞斷更續尺素在魚腸寸心憑鴈足

爲人述寢

工知想成寢未信寢如此皎皎無片非的的一旨是以親芙蓉褥方開合歡被
雅步極嬌妍含辭恣委靡如言非倏忽不意成俄尔及寤盡空無方知悉虛詭

爲人傷近不見

羸女鳳皇樓漢姬柏梁殿詎勝僊將死音容猶可見我有一心人同鄉不異縣
異縣不成隔同鄉更肌肌肌肌如牛女無妨年一語

爲何庫部舊姬擬薜蘿之句

出戶望蘭薰寒簾正逢君歛容纔一訪新知詎可聞新人含笑近故人含淚隱
妾意在寒松君心逐朝槿

在王晉安酒席數韻

窈窕宋容華但歌有清曲轉眄非無以斜扇還相矚詎減許飛瓊多勝劉碧玉
何因送款款伴飲杯中醪

爲人有贈

碧玉與綠珠張盧復雙女曼聲古難匹長袂世無侶似出鳳皇樓言發瀟湘渚
幸有寒裳便含情寄一語

何生姬人有怨

寒樹棲羈雌月映風復吹逐臣與棄妾零落心可知寶琴徒七弦蘭燈空百枝
顰容不足效曉妝拭復垂同衾成楚越異國非此離

鼓瑟曲 有所思

夜風吹熠燿朝光照昔邪幾銷薜蘿蕪葉空落蒲桃花不堪長織素誰能獨浣紗
光陰復何極望促反成賒知君自蕩子奈妾亦倡家

爲人寵姬有怨

可憐獨立樹枝輕根易搖已爲露所浥復爲風所飄錦衾襲不臥端坐夜及朝
是妾愁成瘦非君重細膏

爲人自傷

自知心裏恨還向影中羞回持昔慊慊變作今悠悠還君與妾珥歸妾奉君裘
弦斷猶可續心去最難留

秋閨怨

斜光隱西壁暮雀上南枝風來秋扇屏月出夜燈吹淡心起百際遙淚非一垂
徒勞妾辛苦終言君不知

張率相逢行

相逢夕陰階獨趨尚冠里高門既如一甲第復相似憑軾日欲昏何處訪公子
公子之所在所在良易知青樓出上路漸臺臨曲池堂上撫流徽雷尊朝夕施
橘柚芬華實朱火燎金枝兄弟兩三人裾珮紛陸離朝從禁中出車騎並驅馳
金鞍馬齒勒聚觀路傍兒入門一顧望鳧鵠有雄雌雄雌各數千相鳴戲羽儀
並在東西立羣次何離離大婦刺方領中婦抱嬰兒小婦尚嬌稚端坐吹參差
丈人無遽起神鳳且來儀

對酒

對酒誠可樂此酒復能醕如華良可貴如乳更非珍何以留上客為寄掌中人
金尊清復滿玉盃亟來親誰能共遲暮對酒及芳晨君歌當來罷却坐避梁塵

遠期

遠期終不歸節物坐將變白露愴單棲秋風息團扇誰能久離別他鄉且異縣
浮雲蔽重山相望何時見寄言遠行者空閨淚如霰

徐悱贈內

日暮想清陽躡履復出椒房網蟲生錦薦遊塵掩玉牀不見可憐影空餘黼帳香

彼美情多樂挾瑟坐高堂豈忘離憂者向隅心獨傷聊因一書札以代九回腸

對房前桃樹詠佳期贈內

相思上北閣徙倚望東家忽有當軒樹兼含映日花方鮮頰紅粉比素若鉛華
更使增心憶彌令想狹斜無如一路阻畝畝似雲霞嚴城不可越言折代踈麻

費昶華觀省中夜聞城外擣衣

閨闔下重關丹墀吐明月秋氣城中冷秋砧城外發浮聲繞雀臺飄響度龍闕
婉轉何藏摧當從上路來藏摧意未已定自乘軒裏乘軒盡世家佳麗似朝霞
圓瑤耳上照方繡領閒斜衣薰首和肩鬢搖九枝花昨暮庭槐落今朝羅綺薄
拂席卷鴛鴦開縵舒龜鶴金波正容與玉步依砧杵紅袖往還縈素腕參差舉
徒聞不得見獨夜空愁佇獨夜何窮極懷之在心側階垂玉衡露庭舞相風翼
瀝滴流星輝祭爛長河色三冬誠足用五日無糧食揚雲已寂寥今君復弦直

和蕭記室春旦有所思

芳樹發春暉蔡子望青衣水逐桃花去春隨楊柳歸楊柳何時歸裊裊復依依
已蔭章臺陌復埽長門扉獨知離心者坐惜春光違洛陽遠如日何由見宓妃

春郊望美人

芳郊拾翠人回袖掩芳春金燿起步搖紅彩發吹綸湯湯蓋頂日飄飄馬足塵
薄暮高樓下當知妾姓秦

詠照鏡

晨輝照杏梁飛燕起朝妝留心散廣黛輕手約花黃正釵時念影拂絮且憐香
方嫌翠色故作道玉無光城中皆半額非妾畫眉長

和蕭洗馬畫屏風二首

日淨班姬門風輕董賢館卷耳緣階出反舌登牆喚蠶女桂枝鉤遊童蘇合彈
拂袖當留客相逢莫相難 陽春發和氣

佳人在河內征夫鎮馬邑零露一朝團中夜兩垂泣氣爽牀帳冷天寒針縷澀

紅顏本暫時君還詎相及 秋夜涼風起

采菱

妾家五湖口采菱五湖側玉面不關妝雙眉本翠色日斜天欲暮風生浪未息
宛在水中央空作兩相憶

長門后怨

向夕千愁起自悔何嗟及愁思且歸牀羅襦方掩泣絳樹搖風軟黃鳥弄聲急

金屋貯嬌時不言君不入

鼓吹曲二首

巫山光欲晚陽臺色依依彼美巖之曲寧知心是非朝雲觸石起暮雨潤羅衣
願解千金珮請逐大王歸 巫山高

上林鳥欲棲長安日行暮所思懋鬱不見空想丹墀步簾動憶君來雷聲似車度

北方佳麗子窈窕能回顧夫君自迷惑非爲妾心妒 有所思

姚翻同郭侍郎采桑一首

鴈還高柳北春歸洛水南日照茱萸領風搖翡翠簷桑閒視欲暮閨裏遠飢蠶
相思君助取相望妾那堪

孔翁歸奉和湘東王教班婕妤一首

長門與長信日暮九重空雷聲聽隱隱車響絕瓏瓏恩光隨妙舞團扇逐秋風
鉛華誰不慕人意自難終

徐悱妻劉令嫺答外詩二首

花庭麗景斜蘭牖輕風度落日更新妝開簾對春樹鳴鸚葉中鄉音戲蝶枝邊鶯
調瑟本要歡心愁不成趣良會誠非遠佳期今不遇欲知幽怨多春閨深且暮

東家挺奇麗南國擅容輝夜月方神女朝霞喻洛妃還看鏡中色比豔自知非
摘辭徒妙好連類頓乖違智夫雖已麗傾城未敢希

何思徵奉和湘東王教班婕妤

寂寂長信晚雀聲哦洞房蜘蛛網高閣駁薛被長廊虛殿簾帷靜閑階花蕊香
悠悠視日暮還復拂空牀

擬古

故交不可忘猶如蘭桂芳新知雖可悅不異茱萸香妾有鳳鶻曲非為陌上桑
薦君君不御抱瑟自悲涼

南苑逢美人

洛浦疑回雪巫山似旦雲傾城今始見傾國昔曾聞媚服隨嬌合丹脣逐笑分
風卷蒲萄帶日照石榴裙自有狂夫在空持勞使君

徐悱答唐孀七夕所穿針

倡人助漢女靚妝臨月華連針學竝帶縈縷作開花媚閨絕綺羅攬贈自傷嗟
雖言未相識聞道出良家曾停霍君騎經過柳惠車無由一共語暫看日昇霞

玉臺新詠卷第六

玉臺新詠卷第七

梁武帝二十四首

湘東王經詩七首

梁武帝擣衣

皇太子聖製四十三首

武陵王紀詩三首

邵陵王綸詩三首

駕言易水北送別河之陽沈思慘行鑣結寢在空牀既寤丹綠謬始知紉素傷
中州木葉下邊城應早霜陰蟲日慘烈庭艸復云黃冷風但清夜明月懸洞房
嫋嫋同宮女助我理衣裳參差夕杵引哀怨秋砧揚輕羅飛玉腕弱翠低紅妝
朱顏色已興眴睇目增光擣以一匪石文成雙鴛鴦制握斲金刀薰用如蘭芳
佳期久不歸持此寄寒鄉妾身誰為容思君苦人腸

擬長安有狹斜十韻

洛陽有曲陌陌曲不通驛忽逢二少童扶轡問君宅君宅邯鄲右易憶復可知
大息組網縵中息珮陸離小息尚青綺總中遊南皮三息俱入門家臣拜門垂
三息俱升堂旨酒盈千卮三息俱入戶戶內有光儀大婦理金翠中婦事公鰥
小婦獨閑暇調笙遊曲池丈人少徘徊鳳吹方參差

擬明月照高樓

圓魄當虛闥清光流思筵思照孤影悽怨還自憐臺鏡早生塵匣琴又無弦
悲慕屢傷節離憂堅華年君如東博景妾似西柳煙相去既路迴明晦亦殊懸
願爲銅鐵轡以感長樂前

擬青青河邊草

幕幕繡戶絲悠悠懷昔期昔期久不歸鄉國曠音輝音輝空結遲半寢覺如至
既寤了無形與君隔平生月以雲掩光葉似霜摧老當途競自容莫肯爲尋道

代蘇屬國婦

良人與我期不謂當過時秋風忽送節白露凝前基愴愴獨涼枕搔搔孤月帷
或聽西北鴈似從寒海濱果銜萬里書中有生離詞惟言長別矣不復道相思
胡羊久漂奪漢節故支持帛上看未終臉下淚如絲空懷之死誓言遠勞同穴詩

古意二首

飛鳥起離離驚散忽心差池噉嘈繞樹上翩翹集寒枝既悲征役久偏傷壘上兒
寄言閨中愛此心詎能知不見松上蘿葉落根不移

當春有一草綠花復重枝云是忘憂物生在北堂垂飛飛雙蛺蝶低低兩差池
差池低復起此芳性不移飛蝶雙復隻此心人莫知

芳樹

綠樹始搖芳芳生非一葉一葉度春風芳芳自相接色雜亂參差衆花紛重疊
重疊不可思思此誰能愜

臨高臺

高臺半行雲望望高不極草樹無參差山河同一色髣髴洛陽道道遠難別識
玉階故情人情來共相憶

有所思

誰言生離久適意與君別衣上芳猶在握裏書未滅臂中雙綺帶寢爲同心結
常恐所思露瑤華未忍折

紫蘭始萌

種蘭玉臺下氣暖蘭始萌芬芳與時發婉轉迎節生獨使金翠嬌偏動紅綺情
二遊何足壞一顧非傾城羞將苓芝侶豈畏鷓鴣鳴

織婦

送別出南軒離思沈幽室調梭較寒夜鳴機罷秋日良人在萬里誰與共成匹
願得一回光照此憂與疾君情儻未忘妾心長自畢

白露月下圓秋風枝上鮮瑤臺由碧霧瓊幕生紫煙妙會非綺節佳期乃良年
玉壺承夜急蘭膏依曉煎昔時悲難越今傷何易旋怨咽雙念斷悽草兩情懸

戲作

宓妃生洛浦遊女出漢陽妖閑逾下蔡神妙絕高唐縣駒且變俗王豹復移鄉
况茲集靈異豈得無方將長袂必留客清哇咸繞梁燕趙羞容止西姐慙芬芳
徒聞殊可弄定自乏明璫

皇太子聖製樂府三首 簡文

凌晨光景麗倡女鳳樓中前瞻削成小傍望卷旌空分妝閒淺獸面繞臉傅斜
紅張琴未調軫飲吹不全終自知心所愛出入仕秦宮誰言連伊屈更是莫
敖通輕軛綴皂蓋飛轡轆雲驄金鞍隨繫尾銜瑣映纏駿戈鏤荆山玉劍飾
丹陽銅左把蘇合彈傍持大屈弓控弦因鵲血挽強用牛螭弋獵多登隴酣
歌每入豐暉暉隱落日冉冉還房櫳澄生陽燧火塵散鯉魚風流蘇時下帳
象簞復韜筒霧暗窻前柳寒踈井上桐女蘿託松際甘瓜蔓井東拳拳特君
寵歲暮望無窮 豔歌篇十八韻

銅梁指斜谷劔道望中區通星上分野作固為下都雅歌因良守妙舞自巴渝
陽城嬉樂所劔騎鬱相趨五婦行難至百兩好游娛牲祈望帝祀酒酌蜀侯誅
江妃納重聘卓女受將雛停弣時繫爪息吹更治朱春衫湔錦浪回扇避陽烏
聞君握節反賤妾下城隅 蜀國弣歌篇十韻

名都多麗質本自恃容姿蕩子行未至秋胡無定期玉白歇紅臉長鬚串翠眉
歛鏡迷朝色縫針脆故絲本異搖舟各何關竊席疑生離誰撫背溘死詎成遲
毛嬙自本絕踉蹌入檀帷盧姬嫁日晚非復好年時傳山猶可逐烏白望難期
妾心徒自苦傍人會見嗤 妾薄命篇十韻

代樂府三首

遥看雲霧中刻桶映丹紅珠簾通曉日金花拂夜風欲知聲管處來過安
樂宮 新成安樂宮

季月雙桐井新枝雜舊株晚葉藏棲鳳朝花拂曙烏還看西子照銀牀牽
鹿盧 雙桐生空井

閨閑漏永永漏長宵寂寂草螢飛夜戶絲蟲繞秋壁薄笑未為欣微歎還
成戚金簪鬢下垂玉箸衣前滴 楚妃歎

和湘東王橫吹曲三首

洛陽佳麗所大道滿春光遊童初挾彈螽蟓始提筐金鞍照龍馬羅袂拂春桑
玉車爭晚入潘果溢高箱

洛陽道

楊柳亂成絲攀折上春時葉密鳥飛礙風輕花落遲城高短簫發林空畫角悲
曲中無別意併為久相思

折楊柳

賤妾朝下機正值良人歸青絲懸玉蹬朱汗染香衣驟急珍珂響踣多塵亂飛
雕胡幸可薦故心君莫違

紫騮馬

雒州十曲抄三首 是襄州

南湖荇葉浮復有佳期遊銀綸翡翠鈞玉舳芙蓉舟荷香亂衣麝射撓聲隨
急流

南湖

岸陰垂柳葉平江含粉堞好值城傍人多逢蕩舟妾綠水濺長袖浮落染
輕楫

北渚

宜城斷中道行旅亟流連出妻工織素妖姬慣數錢吹彫留上客貰酒逐
神僊

大隄

同庾肩吾四詠二首

采蓮前岸隈舟子屢徘徊荷披衣可識風疎香不來欲知船度處當看荷
葉開

蓮舟買荷度

相隨照綠水意欲重涼風流搖妝影壞釵落鬢華空佳期在何許徒傷心
不同

照流看浴釵

和湘東王三韻二首

花樹含春叢羅幃夜長空風聲隨條韻月色與池同彩箋徒自襞無信往
雲中

春宵

冬朝日照梁含怨下前牀帳寒竹葉帶鏡轉菱花光會是無人見何用早
紅妝

冬曉

戲作謝惠連體十三韻

雜紫映南庭庭中光景媚可憐枝上花早得春風意春風復有情拂幔且開楹
開楹開碧煙拂幔拂垂蓮偏使紅花散飄颺落眼前眼亦多無況參差鬱鬱可望
珠繩翡翠帷綺幕芙蓉帳香煙出窻裏落日斜階上日影去遲遲節華咸在茲
桃花紅若點柳葉亂如絲絲條轉暮光影落暮陰長春鸞雙雙舞春心處處場
酒滿心聊足萱枝愁不忘

倡婦怨情十二韻

綺窻臨畫閣飛閣繞長廊風散同心草月送可憐光
髣髴簾中出妖麗特非常
恥學秦羅髻羞爲樓上妝散誕披紅帔生情新約黃
斜鐙入錦帳微煙出玉牀
六安雙瑋瑁八幅兩鴛鴦猶是別時許留致解心傷
含涕坐度日俄頃變炎涼
玉關驅夜雪金氣落嚴霜飛狐驛使斷文河川路長
蕩子無消息朱唇徒自香
和徐錄事見內人作臥具
密房寒日晚落照度窻遍紅簾遙不隔輕帷半卷懸
方知織手製衣詎減縫裳妍
龍刀橫剝上畫尺墮衣前尉斗金塗色篔簹管白身
纏衣裁合歡禰文作鴛鴦連
縫用雙針縷絮是八蠶綿香和麗丘蜜鹿射吐中臺
煙已入琉璃帳兼雜秦率璵
具共彫鑪暖非同團扇捐更恐從軍別空牀徒自憐

戲贈麗人

麗姐與妖嬈共拂可憐妝同安鬟裏撥異作額間黃
羅裊宜細簡畫屨重高牆
含羞未上砌微笑出長廊取花爭閒鑷攀枝念蕊香
但歌聊一曲鳴弒未息張
自矜心所愛三十侍中郎

秋閨夜思

非關長信別詎是良人征九重忽不見萬恨滿心生
夕門掩魚鑰宵牀悲畫屏
迴月臨窻度吟蟲繞砌鳴初霜實細葉秋風驅亂螢
故妝猶累日新衣襞未成
欲知妾不寐城外擣衣聲

和湘東王名士悅傾城

美人稱絕世麗色譬花叢雖居李城北住在宋家東
教歌公主第學舞漢成宮
多遊淇水上好在鳳樓中復高疑上砌裾開持畏風
衫輕見跳脫珠概雜青蟲
垂絲繞帷幔落日度房櫳妝窻隔柳色井水照桃紅
非憐江浦珮羞使春閨空

從頓顛還城

漢渚水初練江南草復黃日照蒲心暖風吹梅蕊香
征艦艤湯暫歸騎息金隍
舞觀衣常褰歌臺弒未張持此橫行去誰念守空牀

詠人棄妾

昔時嬌玉步含羞花燭邊豈言心愛斷銜曉私自憐
常見歡成怨非關醜易妍
獨鴟罷中路孤鸞死鏡前

執筆戲書

舞女及燕姬倡樓復蕩婦參差大戾發搖曳小垂手
釣竿蜀國彈新城折楊柳

玉案西王桃豔枯石榴酒甲乙羅帳異辛壬房戶暉夜夜有明月時時憐更衣
豔歌曲
雲楣桂成戶飛棟杏爲梁斜窗通紫氣細隙引塵光裁衣魏后尺汲水淮南牀
青驪暮當反預使羅裾香

怨

秋風與白團本自不相安新人及故愛意氣豈能寬黃金肘後鈴白玉案前盤
誰堪空對此還成無歲寒

擬沈隱侯夜夜曲

藹藹夜中霜何關向曉光枕曉常帶粉身眠不著牀蘭膏盡更益薰鑪滅復香
但問愁多少便知夜短長

七夕

秋期此時淡長夜徙河靈紫煙凌鳳羽奔光隨玉輶洛陽疑劍氣成都怪客星
天梭織來久方逢今夜停

同劉諮議詠春雪

晚霞飛銀礫浮雲暗未開入池消不積因風墮復來思婦流黃素溫姬玉鏡臺

看花言可插定自非春梅

晚景出行

細樹含殘影春閨散晚香輕花鬢邊墮微汗粉中光飛鳧初罷曲曉鳥忽度行
羞令白日暮車馬鬱鬱相望

賦樂府得大垂手

垂手忽茗茗飛鸞掌中嬌羅衣恣風引輕帶任情搖詎似長沙地促舞不回要
賦樂器各得筵篴

振遲初挑吹弄急時催舞釧鄉音逐弦鳴私回半障柱欲知心不平君看黛眉聚

詠舞

可憐初二八逐節似飛鴻懸勝河陽妓闈與淮南同行看履進轉面望鬢空
腕動茗華玉袖隨如意風上客何須起曉鳥曲未終

春閨情

楊柳葉纖纖佳人嬾織練正衣還向鏡迎春試舉簾摘梅多繞樹覓鸞好窺檐
只言逐花草計枝應非嫌

又三韻

珠簾向暮下妖姿不可追
花風暗裏覺蘭燭帳中飛
何時玉窻裏夜夜更縫衣
率尔爲詠

借問僊將畫詎有此佳人傾城且傾國
如雨復如神漢后憐名璫周王重姓申
挾瑟曾遊趙吹簫屢入秦玉階偏望樹
長廊每逐春約黃出意巧纏弦用法新
迎風時引袖避日暫披巾
踈花映髮裏插細珮繞衫身
誰知日欲暮含羞不自陳
美人晨妝

北窻向朝鏡錦帳復斜縈
嬌羞不肯出猶言妝未成
散黛隨眉廣燕脂逐臉生
試將持出衆定得可憐名

賦得詠當鑪

十五正團圓流光滿上蘭
當鑪設夜酒宿客解金鞍
迎來挾瑟易送別但歌難
詎知心恨急翻令衣帶寬

林下妓

炎光向夕斂促宴臨前
池泉深影相得花與面相宜
篴聲如鳥啣舞袂寫風枝
歡樂不知醉千秋長若斯

擬落日窻中坐

杏梁斜日照餘暉
映美人開函脫寶釵
向鏡理紉巾游魚動池葉
舞鶴散階塵
空嗟千歲久願得及陽春

美人觀畫

殿上圖神女宮裏出佳人
可憐俱是畫誰能辨僞真
分明淨眉眼一種細鬢身
所可持爲異長有好精神

變童

變童嬌麗質賤董復超
瑕羽帳晨香滿珠簾
夕漏餘翠被含鴛色
雕牀鏤象牙
妙年同小史姝貞比朝霞
袖裁連璧錦箋織細
檀花攬袴輕紅出回頭
雙鬢斜
嬾眼時含笑玉手乍攀花
懷猜非後釣密愛似前車
足使燕姬妒彌令鄭女嗟

邵陵王綸代秋胡婦閨怨

蕩子從遊宦思妾守房櫳
塵鏡朝朝掩寒牀
夜夜空若非新有悅何事久西東
知人相憶否淚盡寢嚔中

車中見美人

關情出睂眼軟媚著
要支語笑能嬌媚
行步絕逶迤空中自迷惑
渠傍會不知
懸念猶如此得時應若爲

代舊姬有怨

寧爲萬里別乍此死生離那堪眼前見故愛逐新移未展春光落遽被秋風吹
怨黛舒還歛曉妝拭更垂誰能巧爲賦黃金妾自貴

湘東王繹登顏園故閣

高樓三五夜流影入丹墀先時留上客夫婿美容姿妝成理蟬鬢笑罷斂娥眉
衣香知步近釧動覺行遲如何舞館樂翻見歌梁悲猶懸北窗橫未卷南軒帷
寂寂空郊暮非復少年時

戲作豔詩

入堂值小婦出門逢故夫含辭未及吐紋袖且峙嶠搖茲扇似月掩此淚如珠
今懷固無已故情今有餘

夜遊栢齋

燭暗行人靜簾開雲影入風細雨聲遲夜短更籌急能下班姬淚復使倡樓泣
況此客遊人中宵空佇立

和劉上黃

新鶯隱葉轉新鷺向窻飛柳絮時依酒梅花乍入衣玉珂逐風度金鞍映日暉

無令春色晚獨望行人歸

詠晚棲鳥

日暮連翩翼俱向上林棲風多前鳥駛雲暗後羣迷路遠聲難徹飛斜行未齊
應從故鄉返幾過入蘭閨借問倡樓妾何如蕩子妻

寒宵三韻

烏鵲夜南飛良人行未歸池水浮明月寒風送擣衣願織回文錦因君寄武威

詠秋夜

秋夜九重空蕩子怨房櫳燈光入綺帷簾影進屏風金徽調玉軫茲夜撫離鴻
武陵王紀同蕭長史看妓

燕姬奏妙舞鄭女發清歌回羞出慢臉送態入頓蛾寧殊值行雨詎減見凌波
想君愁日暮應羨魚曾陽戈

和湘東王應令夜寢

昨夜寢君歸賤妾下鳴機懸知君意薄不著去時衣故言如寢裏賴得鴈書飛
曉思

晨禽爭學轉朝花亂欲開鑪煙入斗帳屏風隱鏡臺紅妝隨淚盡蕩子何時回

閨妾寄征人

歛色金星聚紫悲
玉筋流願君看海氣
憶妾上高樓
目作三首此首疑衍

玉臺新詠卷第七

玉臺新詠卷第八

蕭子顯雜詩二首

王筠和吳主簿六首

劉孝綽雜詩五首

劉遵雜詩二首

王訓奉和率尔有詠一首

庾肩吾雜詩七首

劉孝威雜詩三首

徐君倩雜詩二首

鮑泉雜詩二首

劉緩雜詩四首

鄧鏗雜詩二首

甄固奉和世子春情一首

庾信雜詩三首

劉邈雜詩四首

紀少瑜雜詩三首

聞人蒨春日一首

徐孝穆雜詩四首

吳孜雜詩一首

湯僧濟雜詩一首

徐悱妻雜詩一首

王叔英妻雜詩一首

蕭子顯樂府二首

大明上茗茗陽城射凌霄
光照窻中婦絕世同阿嬌
明鏡盤龍刻篋曾羽鳳
皇離透迤梁家髻冉弱楚宮
罽輕紉雜重錦薄縠閒飛
綃三六前年暮四五年朝
蠶園拾芳繭桑陌采柔條
出入東城里上下洛西橋
忽逢車馬客飛蓋動檐
輦單衣鼠毛織寶劍羊頭
銷丈夫疲應對御者輟銜
鑣柱閒徒脉脉垣上幾翹
翹女本西家宿君自上宮
要漢馬三萬匹夫婿仕嫖
姚輦囊虎頭綬左珥鳧盧
貂橫吹龍鐘管奏鼓象身
簫十五張內侍十八賈登
朝皆笑顏郎老盡詠董公
超日出東南隅行

邯鄲斲輟舞巴姬請罷弦佳人淇浦上豔趙復傾燕繁穠既爲李照水亦成蓮
朝沽成都酒暝數河閒錢餘光幸未借蘭膏空自煎 代樂府美女篇

王筠和吳主簿六首

日照鴛鴦殿萍生鴈鴛池遊塵隨影入弱柳帶風垂青散逐黃口獨鶴慘羈雌
同衾遠遊說結愛久生離於今方溘死寧須萱草枝

卷菴心未發靡蕪葉欲齊春蠶方曳緒新鸞正銜泥野雉呼雌雌庭禽挾子棲
從君客梁後方晝掩春閨山川隔道里芳草徒萋萋 春月二首

九重依夜管四壁慘無暉招搖顧西落烏鵲向東飛流螢漸收火絡緯欲催機
爾時思錦字持製行人衣所望丹心達嘉客儻能歸

露華初泥泥桂枝行棟棟殺氣下重軒輕陰滿四屋別寵增脩夜遠征悲獨宿
愁縈翠羽眉淚滿橫波目長門絕往來含情空杼軸 秋夜二首

落日照紅妝挾瑟當窗懽懽寧復歌靡蕪惟聞歎楊柳結好在同心離別由衆口
徒設露葵羹誰酌蘭英酒會日杳無期薜蘿華安得久

相思不安寤聊至狹邪東愁眉傲戚里高髻學城中雙眉偏照日獨鬱系好縈風
自陳心所想獻賦甘泉宮傳聞方鼎食詎憶春閨中 遊望二首

劉孝綽遙見隣舟主人投一物衆姬爭之有客請余爲詠

河流旣浼浼河鳥復關關落花浮浦出飛雉度州還此日倡家女競嬌桃李顏
良人惜美珥欲以代芳管新縑疑故素盛趙蔑衰班曳綃事掩穀搖珮奪鳴環
客心空振蕩高枝不可攀

淇上人戲蕩子婦示行事一首

桑中始奕奕淇上未湯湯美人要雜珮上客誘明璫日闇人聲靜微步出蘭房
露葵不待勸鳴琴無暇張翠釵挂已落羅衣拂更香如何嫁蕩子春夜守空牀
不見青絲騎徒勞紅粉妝

賦詠得照棊燭刻五分成

南皮弦吹罷終亦且留賓日下房櫳闇華燭命佳人側光全照局回花半隱身
不辭纖手卷羞令夜向晨

夜聽妓賦得烏夜啼

鷓鴣且輟弄鶴操暫停徽別有啼烏曲東西相背飛倡人怨獨守蕩子遊未歸
若逢生離曲長夜泣羅衣

賦得遺所思

遺簪雕璫瑁贈綺兒鳥鴛未若華滋樹文枝蕩子房別前秋已落別後春更芳
所思不可寄惟憐盈袖香

劉遵繁華應令

可憐周小童微笑摘蘭叢鮮膏勝粉白慢臉若桃紅挾彈離陵下垂釣蓮葉東
腕動飄香麝衣輕任好風幸承拂枕選得奉畫堂中金屏障翠被藍帕覆薰籠
本欲傷輕薄含辭羞自通剪袖因雖重殘桃愛未終蛾眉詎須嫉新妝遞入宮

從頓還城應令

漢水溪難渡溪潭見底清錦箠繫鳧舸珠竿懸翠於鳴笳芳樹曲流唱采蓮聲
神遊不停駕日暮反連營寧顧空房裏階上綠苔生

王訓奉和率尔有詠

殿內多僊女從來難比方別有當窻豔復是可憐妝學舞勝飛鸞染粉薄南陽
散黃分黛色薰衣雜棗香簡釵新轆翠試履逆填牆朝恃容色非復守空房
君恩若可恃願作雙鴛鴦

庾肩吾詠得有所思

佳期竟不歸春物坐芳菲拂匣看離扇開箱見別衣井桐生未合官槐卷復稀

不及銜泥鸞從來相逐飛

詠美人自看畫應令

欲知畫能巧喚取真來映並出似分身相看如照鏡安釵等疎密著領俱周正
不解平城圍誰與丹青競

賊得橫吹曲長安道

桂宮連複道黃山開廣路遠聽平陵鐘遙識新豐樹合殿生光彩離宮起煙霧
日落歌吹還塵飛車馬度

南苑還看人

春花競玉顏俱折復俱攀細膏宜窄衣長釵巧挾鬟洛橋初度燭青門欲上關
中人應有望上客莫前還

送別於建興苑相逢

相逢小苑北停車問苑中梅新雜柳故粉白映綸紅去影背斜日香衣臨上風
雪流階漸黑冰開池半通去馬船難駐嘯鳥曲未終春然從此別車西馬復東

和湘東王二首

征人別未久年芳復臨牖燭下夜縫衣春寒偏著手願及歸飛鴈因書寄

高柳 應令春宵

隣鷄聲已傳愁人竟不眠月光侵曙後霜明落曉前
綰髮起照鏡誰忍插花鈿 應令冬曉

劉孝威侍宴賦得龍沙宵月明

鵲飛空繞樹月輪殊未圓常娥望不出桂枝猶隱殘
落照移樓影浮光動軒瀾 櫪馬悲羌吹城烏唳寒
寒傳聞機杼妾愁余衣服單當秋終已脆銜唳織復難
歛眉雖不樂舞劍強爲歡請謝函關吏行當泥一丸

奉和湘東王應令冬曉

妾家邊洛城慣識曉鐘聲鐘聲猶未盡漢使報應行
天寒硯水凍心悲書不成 郟縣遇見人織率尔寄婦

妖姬含怨情織素起秋聲度梭環玉動踏躡珮珠鳴
經稀疑杼迴緯斷恨絲輕 蒲桃始欲罷鴛鴦猶未成
雲棟共徘徊紗窗相向開窻踈眉語度紗輕眼笑來
矐矐隔淺紗的的見妝華鏤玉同心蕩列寶連枝花
紅衫向後結金篦臨鬢斜 機頂挂流蘇機傍垂結珠
青絲引伏兔黃金繞鹿盧豔彩裾邊出芳脂口上渝
百城文問道五馬共峙嶧直爲閨中人守故不要新
寢唳漬花枕覺淚濕羅巾

獨眠真自難重裘猶覺寒逾憶凝脂暖彌想橫陳歡
行驅金絡騎歸就城南端 城南稍有期想子亦勞思
羅襦久應罷花釵堪更治新妝莫點黛余還自畫眉

徐君蒨共內人夜坐守歲

歡多情未極賞至莫停杯酒中挑喜子粽裏覓楊梅
簾開風入帳燭盡炭成灰 勿疑鬢釵重爲待曉光來

初春攜內人行戲

梳飾多今世衣著一時新草短猶通屨梅香漸著人
樹斜牽錦帔風橫入紅綸 滿酌蘭英酒對此得娛神

鮑泉南苑看遊者

洛陽小苑地車馬盛經過緣溝駐行幃傍柳轉鳴珂
履高含鄉音珮襪輕半隱羅 浮雲無處所何用轉橫波

落日看還

妖姬競早春上苑逐名辰浩輕變水色霞濃掩日輪
離夢斜落影畫扇拂遊塵 衣香遙已度衫紅遠更新
誰家蕩舟妾何處織縑人

劉綏敬酬劉長史詠名士悅傾城

不信巫山女不信洛川神何關別有物還是傾城人經共陳王戲曾與宋家隣
未嫁先名玉來時本姓秦粉光猶似面朱色不勝眉眉遙見疑花發聞香知異春
釵長逐鬢髮小稱霄身夜夜言嬌盡日態還新工傾荀奉倩能迷石季倫
上客徒留目不見正橫陳

雜詠和湘東王三首

別後春池異荷盡欲生冰箱中剪刀冷臺上面脂凝纖霄轉無力寒衣恐
不勝 寒閨

樓上起秋風絕望秋閨中燭溜花行滿香燃歛欲空徒交兩行淚俱浮妝

上紅 秋夜

不堪寒夜久夜夜守空牀衣裾逐坐禱釵影近燈長無憐四幅錦何須辟

惡香 冬宵

鄧鏗和陰梁州雜怨

別離雖未久遂如長別離叢桂頻銷葉庭樹幾攀枝君言妾自改妾畏君心移
終須一相見併得兩相知

奉和夜聽妓聲

燭華以明月鬢影勝飛橋妓兒齊鄭舞爭妍學楚霄新歌自作曲舊瑟不須調
衆中俱不笑座上莫相撩

甄固奉和世子春情

昨晚寒簾望初逢雙鸞歸今朝見桃李不啻數花飛以愁春欲度無復寄芳菲
庾信奉和詠舞

洞房花燭明燕餘雙舞輕頓復隨踈節低鬢衰逐上聲半轉行初進飄衫曲未成
回鸞鏡欲滿鵲顧市應傾已曾天上學詎似世中生

七夕

牽牛遙映水織女正登車星橋通漢使機石逐僊槎隔河相望近經秋離別賒
愁將今夕恨復著明年花

仰和何僕射還宅懷故

紫閣旦朝罷中臺文奏稀無復千金笑徒勞五日歸步檐朝未掃蘭房晝掩扉
落生理曲處網積回文機故瑟餘弦斷歌梁秋鸞飛朝雲雖可望夜帳定難依
願憑甘露入方假慧燈輝寧知洛城晚還淚獨霑衣

劉遵萬山見采桑人

倡妾不勝愁結束下青樓
逐伴西蠶路相攜東陌頭
葉盡時移樹枝高乍易鉤
絲繩挂且脫金籠寫復收
蠶飢日已暮詎爲使君留

見人織聊爲之詠

纖纖運玉指脉脉正蛾眉
振躡開文縷停梭續斷絲
檐花照初月洞戶未垂帷
弄機行掩淚翻令織素遲

秋閨

螢飛綺窗外妾思霍將軍
燈前量獸錦檐下織花紋
露如輕雨長河似薄雲
秋還百種事衣成未暇薰

鼓吹曲 折楊柳

高樓十載別楊柳擢絲枝
摘葉驚開駛攀條恨久離
年年阻音信月月減容儀
春來誰不望相思君自知

紀少瑜建興苑

丹陵抱天邑紫淵更上林
銀臺懸百仞玉樹起千尋
水流冠蓋影風揚歌吹音
峙嶂憐拾翠顧步惜遺簪
日落庭花轉方憶屢移陰
終言樂未極不道愛黃金
擬吳均體應教

庭樹發春輝遊人競下機
却匣擊歌扇開箱擇舞衣
桑萎不復惜看光遽將夕
自有專城居空持迷上客

春日

愁人試出牖春色定無窮
參差依網日澹蕩入簾風
落花還繞樹輕飛去隱空
徒令玉筯迹雙垂明鏡中

聞人舊春日

高臺動春色清池照日華
綠葵向光轉翠柳逐風斜
林有驚鳥心鳥園多奪目花
相與咸知節歎子獨離家
行人今不返何勞空折麻

徐孝穆走筆戲書應令

此日乍殷勤相嫌不如春
今宵花燭淚非是夜迎人
舞席秋來卷歌筵無數塵
曾經新代故那惡故迎新
片月窺花簾輕寒入帔巾
秋來應瘦盡偏自著罽身

奉和詠舞

十五屬平陽因來入建章
主家能教舞城中巧且妝
低鬟向綺席舉袖拂花黃
燭送窻邊影衫傳鈴裏香
當關好留客故作舞衣長

和王舍人送客未還閨中有望

倡人歌吹罷對鏡覽紅顏拭粉留花稱除釵作小鬟綺燈停不滅高扉掩未關
良人在何處惟見月光還

爲羊兗州家人答餉鏡

信來贈寶鏡亭亭似圓月鏡久自踰明人久情踰歇取鏡挂空臺於今莫復開
不見孤鸞鳥亡魂何處來

吳孜春閨怨

玉關信使斷借問不相諳春光太無意窺窗來見參久與光音絕忽值日東南
柳枝皆黼鸞桑葉復催蠶物色頓如此孀居自不堪

湯僧濟詠泚井得金釵

昔日倡家女摘花露井邊摘花還自插照井還自憐窺窺終不罷笑笑自成妍
寶釵於此落從來不憶年翠羽成泥去金色尚如先此人今不在此物今空傳

徐悱妻劉氏和婕妤怨

日落應門閉愁思百端生況復昭陽近風傳歌吹聲寵移終不恨讒枉太無情
只言爭分理非妒舞鬢輕

王叔英妻劉氏和昭君怨

一生音何定萬事良難保丹青失舊圖玉匣成秋草相接彘關淚至今猶未燥
漢使汝南還殷勤爲人道

玉臺新詠卷第八

玉臺新詠卷第八

三才圖會

三才圖會卷八

三才圖會

卷之二